



著作：法语录

十四 怡保霹靂洞弥勒大佛开光

时维佛历二五一九年，即西元一九七五年十一月廿一日，恭逢霹靂洞主持张仙如居士发心塑造弥勒大佛完成，邀集星马诸山大德，举行开光典礼。夫弥勒为姓，义表慈氏。逸多其名，意无能胜。和光同尘，示欢喜之笑容，导俗归真，摄乾坤於布袋。若溯其本，弗沙时代，曾与释迦同学。释迦自行功胜，道超九劫，成佛在弥勒之先，而常居其迹，助扬法化，秘菩萨行，现比丘身，禅定不修而常修，烦恼未断而自断，为补处之大士，绍觉王之法位。先佛陀而示寂，上生兜率内院，经五十六亿万年，下生人间，於龙华菩提树下，一生成办，圆明定慧，三会说法，普利人天。拈一毫，以耀灵光於九界，且缀韵语两偈，用扬法化於十方。偈云：

46

谁将内院建娑婆，霹靂洞开兜率陀；
 迎面慈容笑可掬，坦胸大肚喜堪歌。
 绍隆佛种尘劳少，常落经坛花雨多；
 垂迹阎浮千百亿，乾坤一袋尽包罗。

弗沙衣钵早相传，功在迦文九劫前。
 曾预法筵今记别，不除烦恼未修禅。
 瑜伽百卷光唯识，睹史一宫胜众天。
 伫待人间开净土，龙华三会乐无边。
 开！开！开！开光！开出光明，普耀十方！

47